

Script of Evening Gojri News Bulletin 16 December 2024 at 1700 Hrs

ایوننگ گو جری نیوز بلیٹن مور 16 دسمبر 2024

یوہ آکا شوانی جموں ہے عبدالرحمان شابین تے ظفر اقبال تیں خبر سنو۔ پہلاں خاص خاص خبر۔

*1. وزیر اعظم نریندر مودی نے سری لنکا غا صدر انورا کمارا دسا نائکے سنگ گل بات کی ہے۔

*2. صدر جمہوریہ درویدی مرمو، نائب صدر جمہوریہ جگدیپ دھنکڑ، وزیر اعظم نریندر مودی تے وزیر دفاع راجناتھ سنگھ نے 1971 غی جنگ مانہ شہید ہوا جواناں نانہہ وجے دیوس غا موقعہ و رخراج عقیدت پیش کیو ہے۔

*3. وزیر اعلیٰ عمر عبداللہ نے کانگریس پارٹی غا برقی ووٹینگ مشین ور دھوکہ دہی غے ذریعے چناؤ مانہہ لایا گیا الزام غی مخالفت کی ہے۔

*4. نائب صدر جمہوریہ جگدیپ دھنکڑ نے زمین ایجادی انتظام ور گل کرتاں وان کہیو ہے جے اس طرح بہتر زمینی بندوبست کر غے فوج غو ہر ویلے تیار رہن تے کمیونٹی غی بہتر ترقی واسطے کم کیو جا سکے۔

*5. محکمہ موسمیات نے دسیو ہے جے جموں کشمیر مانہہ 21 دسمبر توڑی موسم عام طور ور خشک رہ گو۔

خبران غی تفصیل نال پہلاں عبدالرحمان شابین۔

PM Sri Lanka President

وزیر اعظم نریندر مودی تے بھارت غا دورہ ور آیا واہ سری لنکا غا صدر انورا کمارا دسا نائیکے غے بشکار آج نوی دہلی مانہہ دو طرفہ مذاکرات ہوئے۔ دوہاں لیڈراں نے باہمی دلچسپی غا موضوعات ور بات چیت کی۔ اس تیں قبل مہمان شخصیت نانہہ راشٹر پتی بھون غے سامنے اک رسمی استقبالو دتو گیو۔ صدر جمہوریہ محترمہ درویدی مرمو تے وزیر اعظم نریندر مودی نے دسا نائکے غو استقبال کیو۔ سری لنکا غا صدر نے اتوار غے وراج گھاٹ مانہہ بابائے قوم مہاتمہ گاندھی نانہہ خراج عقیدت پیش کیو۔ وزارت خارجہ غو کہنوبے جے سری لنکا غا صدر غا اس دورہ سنگ بھارت تے سری لنکا دوہاں ملکاں بشکار کثیر الجہتی اور باہمی فائدہ مند تعاون نانہہ مزید تقویت دین غو موقعو ملے گو۔ واضح رہے جے سری لنکا غا صدر بھارت غا 3 روزہ دورہ ور اتواریں دہلی پُجیا۔

Vijay Diwas

صدر جمہوریہ محترمہ درویدی مرمو، نائب صدر جمہوریہ جگدیپ دھنکڑ، وزیر اعظم نریندر مودی تے وزیر دفاع راجناتھ سنگھ نے آج 1971 غی جنگ غا بہادر سپاہیاں نانہہ وجے دیوس غا موقعہ و رخراج عقیدت پیش کیو ہے۔ اس سماجی ذرائع ابلاغ پوسٹ مانہہ صدر جمہوریہ محترمہ درویدی مرمو نے بہادر فوجیاں غی عظیم قربانیاں نانہہ یاد کرتاں وان کہیو جے ان غی جُرت و قربانی بر بھارتی واسطے باعث رغبت ہیں۔ تے قومی فخر غو ذریعو بنی رہیں گی۔ نائب صدر جمہوریہ جگدیپ دھنکڑ نے وی 1971 غی جنگ غا شہدا نانہہ خراج عقیدت پیش کیو تے سپاہیاں غی بہادری و بے لوث قربانیاں

غی تعریف کی۔ وزیر اعظم جناب نریندر مو دی نے اک سماجی ذرائع ابلاغ پوسٹ مانہہ بہا در سپاہیاں غی قربانی و حوصلہ نانہہ خراج عقیدت پیش کیو۔ تے کہیو جے اُن غی بے لوٹ لگن اور مضبوط اِراداں نے مُلک نانہہ تحفظ فراہم کیو تے قوم نانہہ عظمت بخشی۔ اس دن غی مناسبت سنگ وزیر دفاع راجناتہہ سنگھ نے نوی دہلی مانہہ قومی جنگی یاد گار ور پُہل چاڑیا۔

CM EVM

جموں کشمیر غا وزیر اعلیٰ عمر عبداللہ نے کانگریس پارٹی غی طرفوں برقی ووٹینگ مشین یعنی ای وی ایم ور دوکھا دہی غا لاپا جان آلا الزام نانہہ مسترد کرتاں واں کہیو بے جے کانگریس پارٹی جس ویلے چناؤ مانہہ جیت حاصل کرلے اُت کانگریس پارٹی ای وی ایم ور الزام نہیں لاتی تے جت کانگریس پارٹی چناؤ مانہہ با رجا نے اُت واہ ای وی ایم ور دوکھا دہی غا الزام لانا شروع کر دے۔ جناب عمر عبداللہ نے حال ہی مانہہ ہوا بریائتہ تے مہاراشٹر غا اسمبلی چناؤ مانہہ کانگریس پارٹی غی بار غو ذکر کرتاں واں کہیو جے اُت غی بار توں بعد کانگریس نانہہ برقی ووٹینگ مشیناں ور شک پیدا ہو گیو بے۔ وزیر اعلیٰ نے کانگریس ور الزام عائد کرتاں واں کہیو جے کانگریس ای وی ایم ور الزام لانو چھوڑے۔ قابل ذکر بے جے عمر عبداللہ غو اس طرح غو بیان دینو دسے جے نیشنل کا نفرنس کانگریس توں خوش نہیں بے۔ واضع رہ جے کانگریس، نیشنل کا نفرنس غو ستمبر مہینہ مانہہ اسمبلی چناؤ غے دوران اتحاد ہوؤ تھو۔

RS Consitution Day

مُلک مانہہ آئین بند اپنایا جان گا 75 واں سال نانہہ منان غا سلسلہ مانہہ آج راجیہ سبھا مانہہ آئین ور دو روزہ خصوصی بحث شروع ہوئی۔ وزیر خزانہ محترمہ نرملہ سیٹھا رمن نے بحث غو آغاز کرتاں واں کہیو جے مہارا آئین غا 75 سال اک شاندار سفر بے، جس نے وٹا فوقتاً کئی مصیبتاں غو سامنو کیو بے۔ تقریر کرتاں واں وزیر خزانہ نے آئین غا دفعہ 19 غو ذکر کیو۔ جہیڑو ہمنانہہ آزادی، تقریر و رائے دے۔ جمعہ تے بار غے روز لوک سبھا مانہہ وی ایسوی مباحثو ہوؤ تھو۔ توقعو بے جے وزیر اعظم جناب نریندر مو دی پلک راجیہ سبھا مانہہ بحث غو جواب دینگا۔

Poshan Bhi Padhai Bhi

پوشن بھی پڑھائی بھی مہم جس نانہہ محکمہ سماجی بہبود غی طرفوں شروع کیو گیو وہ بے، اج ضلع ریاسی مانہہ شروع ہوئی بے۔ یوہ پروگرام اک قومی کوشش غو حصو بے، تانجے ابتدائی بچپن غی غذائیت نانہہ بنیادی تعلیم سنگ مربوط کیو جا سکے۔ تے بچاں نانہہ زندگی مانہہ بہترین آغاز فراہم کرایو جا سکے۔ ضلع پھرتیں 2 سو تیں زیادہ شرکاء اس تربیتی اجلاس مانہہ حصو لے رہیا ہیں۔ یاه تربیت 18 دسمبر 2024 تک جاری رہ گی۔ تے اس غو ضلع پھر مانہہ بچاں غی بھلائی بہتری ور دیر پا اثر پان غی توقعو بے۔ اس پروگرام غی افتتاحی تقریب سنگ خطاب کرتاں واں بچہ ترقیات و منصوبہ افسر یعنی سی ڈی پی او ریاسی سُریندر جیت کور نے پروگرام غی اہمیت ور زور دتو۔ اس موقعہ ور بولتاں واں سی ڈی پی او ریاسی سُریندر جیت کور نے کجھ اس طرح کہیو۔۔ پائٹ۔۔

PM Mann Ki Baat

وزیر اعظم نریندر مودی آکاشوانی ور اپنا پروگرام من کی بات مانہ 29 دسمبر نانہ ملک مانہ تے بیرون ملک رہ رہیا بھارتیہ لوکاں سنگ اپنا خیالات سانجہ کرینگا۔ مہاوار ریڈیو پروگرام غی یاه 1 سو 17 ویں قسط وے گی۔ لوک ٹیلی فون نمبر 1800117800 ور مفت کال کر غے اس پروگرام بارے اپنا خیالات و مشورہ دے سکیں۔ لوک نریندر مودی ایپ یاه مانی گوو اوپن فورم غے ذریعے آن لائن اپنا وچار سانجھا کر سکیں۔ یہ سجھاؤ آن آلا شماره واسطے اس مہینہ غی 27 تاریخ تک منظور کیا جائیگا۔ اس پروگرام نانہ آکاشوانی، دور درشن، آئی آر نیوز ویب سائٹ تے نیوز آن انر مو بائل ایپ غا تمام نیٹ ورک ور نشر کیو جائے گو۔ اس نانہ اے آئی آر نیوز غا یوٹیوب چینلاں، ڈی ڈی نیوز، تے پی ایم او، اطلاعات و نشریات وزارت گا چینلاں ور برائے راست نشر کیو جائے گو۔ اس پروگرام غی بندی نشریات غے فوراً بعد آکاشوانی غی طرفوں اس نانہ علاقائی زبانان مانہ وی نشر کیو جائے گو۔

یہ خبر تم آکاشوانی جموں تیں سن رہیا ہیں خبراں غا باقی حصہ نال ظفر اقبال۔

Vice President

نائب صدر جمہوریہ جگدیپ دھنکڑ نے کہیو ہے جے دفاعی اسٹیٹ غا نظام نانہ خود پائیدار غا ماحول، فوج نانہ ہر ویلے تیار رہن، کمیونٹی غی ترقی تے غذائیت توں متعلق ترقی دین غی لوڑ ہے۔ اج نوی دہلی مانہ 7 ووں دفاعی اسٹیٹ تہاڑو منان غا موقعہ ور خطاب کرتاں وائے جناب جگدیپ دھنکڑ نے کہیو ہے زیادہ توں زیادہ مجموعی طور ور زمین غو استعمال کر غے اس نانہ بہتر طریقہ سنگ ایجادی بناوے۔ نائب صدر جمہوریہ نے مزید کہیو ہے ترقی، قوم پرستی، تحفظ، انتظامیہ غی طرفوں مثبت سکیمان تے بڑا پیمانہ ور لوکاں کی ترقی کرن غو عمل قانون غا دیباچہ توں عیاں ہے۔

Condolence- Zakir Hussain

مشہور طبیلہ غا ماہر استاد ذاکر حسین غی کل رات امریکہ مانہ موت ہو گئی ہے۔ 73 بہراں غا تھا۔ صدر جمہوریہ، نائب صدر جمہوریہ تے وزیر اعظم نے طبیلہ غا ماہر ذاکر حسین غی موت ور دکھ غو اظہار کیو ہے۔ اک ذرائع ابلاغ پوسٹ مانہ صدر جمہوریہ محترمہ دروپدی مرمونے کہیو ہے جے استاد ذاکر حسین اپنی غیر معمولی تخلیقی صلاحیت اور جدت واسطے جاتیا جائیں تھا۔ محترمہ مرمونے استاد ذاکر حسین غی موت نانہ موسیقی غی دنیا واسطے اک بڑو نقصان قرار دتو ہے۔ نائب صدر جمہوریہ جگدیپ دھنکڑ نے کہیو ہے جے ذاکر حسین نے بھارت غا ثقافتی منظر نامہ ور اک لازوال نقش چھوڑیو ہے۔ وزیر اعظم نریندر مودی نے کہیو ہے جے استاد ذاکر حسین نے طبیلہ نانہ عالمی سطح تک پچایو ہے۔ اور اپنی بے مثال تال و ترنم سنگ لکھاں لوکاں نانہ مسحور کیو۔ وزیر اعظم نے کہیو ہے اُن غی مشہور کارکردگی نے دل نانہ چھو لین آلیں عبادات آن آلی نسلان غی موسیقیکاران تے موسیقی غا شائقین واسطے اک تحریک غو باعث بنیں گی۔

Narcotics Smuggling

ضلع راجوری مانہ گذشتہ رات بھارتی فوج تے جموں کشمیر پولیس نے قبضہ لکیر غے نیڑے شیر تے کنیتی گراں مانہ اک سانجہ کاروائی کرتاں وائے 2 منشیہاں رتسکراں نانہ

گرفتار کیو ہے۔ دسیو گیو ہے جے ان تسکراں کولوں 5 عشارہ 5 کلو گرام منشیات پکڑی گئی ہے۔ آکاشوانی غا ضلع نامہ نگار نے سرکاری ذرائع غو حوالو دیتاں واں دسیو ہے جے بین القوامی مارکیٹ مانہ اس منشیات غی قیمت کروڑاں مانہ ہے۔ قابل ذکر ہے جے یہ منشیات جموں کشمیر غا نو شہرہ سیکٹر وروں جموں کشمیر پولیس تے بھارتی فوج نے پکڑی ہے۔

DC Poonch Ration cards

ضلع ترقیاتی کمشنر پونچھ وکاس کونڈل نے گذشتہ کل ضلع مانہ اک اعلیٰ سطحی میٹنگ منعقد کر غے صارفین غا راشن کارڈاں غی ای کے وائی سی کرن بارے کم کاج غو جائزو لیو۔ میٹنگ مانہ ضلع ترقیاتی کمشنر نے محکمہ امور صارفین غی طرفوں عوام واسطے چلائی جا رہی سکیمیں بارے وی جائزو لیو۔ ڈی سی موصوف نے میٹنگ غے دوران ای کے وائی سی، ایس ایف ایس اے، غیر این ایف ایس اے، تے پی ایم ایف ایس ایس غی صارفین واسطے سکیمیں بارے وی جائزو لیو۔ ان اسکیمیں غی خاص توجہ 3 زمران مانہ آن آلا صارفین واسطے ہے جن مانہ ترجیح گھریلو کار، غیر ترجیح گھریلو کار تے انتھو دیا ان یوجنا شامل ہیں۔ جناب وکاس کونڈل نے ہر تحصیل وچوں ای کے وائی سی کرن غی رپورٹ منگی تے تمام ٹی ایس اوز نانہ کہیو جے جے وے 100 فیصدی ای کے وائی سی غا اندراج نانہ مکمل کریں، ڈی سی موصوف نے ادھار سیڈینگ تے بالا کوٹ مانہ پن رہیا خوراک ڈیپو غو وی میٹنگ مانہ جائزو لیو۔

Cricket

بھارت تے اسٹریلیا بشکار گاہہ برسبن مانہ کھیٹیا جا رہیا تیجا ٹیسٹ میچ مانہ تیجے تہاڑے بھارت غا 51 سکور ور 4 کھلاڑی آؤٹ ہو گیا ہیں۔ پہلی پاری مانہ کھیٹتاں واں اسٹریلیا نے 10 وکٹاں ور 445 دوڑ بنا ئیں۔ بھارتی گیند باز جسپریت بمرہ نے 6 اسٹریلیائی کھلاڑیاں نانہ آؤٹ کیو۔ تے اسے طرح محمد سراج نے وی اسٹریلیا غا 2 کھلاڑیاں نانہ آؤٹ کیو۔

Weather

ہر گذرتا دن غے سنگ ٹھنڈ لگاتار بدھ رہی ہے، تے خاص کر رات مانہ مزید ٹھنڈ بدھ رہی ہے۔ محکمہ موسمیات نے دسیو ہے جے اس مہینہ غی 21 تاریخ تک موسم عام طور ور خشک رہن غی امید ہے۔ محکمہ غی طرفوں تازہ برفباری تے درجہ حرارت نانہ دیکھتاں واں سیاحاں تے سفر کرن آلاں نانہ مشورو دتو گیو ہے جے وے اچیری تھایاں ور جان تیں پرہیز کریں۔

اس غے نال ہی خبراں غو یوہ بلیٹن ختم ہوو۔